

է 1731ին Կենաց յուսցի շրջապատը և պահարանը հսկողութեամբ Շղթայակրի, (Յուզ. Պ.):

Սաղաւարտ մը համակ արծաթ և ականակուռ Ղափլան արծաթագործին ձեռքով 1725ին նուէր տրուած է Ս. Յակոբի վանքին հետեւեալ յիշատակարանով. « Զեռամբ մհտ. Ղափլանին յիշատակէ Ատանացի մհտ. Թորոսին, հօրն Ճանիկին, մօրն մհտ. Խաթունին և եղբարցն Յակոբին և մհտ. Անտոնին և կողակցին մհտ. Մարիամին և դստերն Խաթունին ի ս. քաղաքն յերուսաղէմ սրբոյն Յակոբայ տաճարին թուին ՌձՂԳ. (=1725) ի պատրիարքութեան Գրիգորի Արհի բարունապետին » (Յուզ. պ.): Ղափլան գրիչ Ալաշխանի մէջ ընդօրինակած է նաև ՌձԾԹ (= 1710) թուին Աւեսարսև մը «ընդ հովանեաւ սբ. Ած. ածին և Ս. Ստփնս» եկեղեցիներուն. նոյն ձեռագիրին ստացողը կ'ըլլայ յետոյ Գրիգոր պտրք. Շղթայակիր ՌձՀԱ. (= 1722) թուին, եւ կը յիշատակէ վանքին Մատենադարանին: Վերջին աւետարանիս ծաղկողն եղած է Ստեփանոս վրդ. Կափայեցի «Ջերմ սիրով և բաւում երկամբք գունակ գունակ գեղօք և ոսկեաւ զարդարեաց»: Ղափլան գրչի հօրը՝ Սարգսին մէկ ձեռագիր շարականը կը գտնուի Ս. Յակոբի վանքը (ՄԶ. Թ. 1230) հաւանաբար Ղափլանի յիշատակածը:

ՂԵԻՈՆԴ ԵՊՍ. ՇԻՇՄԱՆԵԱՆ, ՊՈԼՍԵՅԻ. — Ե. 1843 ին, աշկ. Խաղաղի ներսիսեան վարժ.ի. Զո. Արմաշ 1874 ին. այրիանալէ վերջ. 1880ին եպս. կը ձեռնադրուի. վարած է Պիլէճիկի, Խարբերգի, Կարնոյ, Կիւրիւնի և Եօզկատի Առ. պաշտօնները (1876 - 1895). կը տարագրուի Կարինէն Ս. Յակոբի վանքը 1895 ին, ուր կը վախճանի 1904ին: Ժառ վարժ.ի հայերէն և ֆրանս. լեզուներու դասերը աւանդած է, և գրած է 1901 տարիին Ս. Յակոբի վանքին օրացոյցին յաւելուածը. Ս. Երուսաղէմ եւ յայտնորդիս պատրիարքաց Հայոց առաք. Սրբոց Յակոբեանց խորագրով: Կ. Պոլսոյ և Տփլիսի լրագրաց մէջ Վրոյր և Գիւրուկ անուններով, Արարս հանդէսին մէջ ալ նմանապէս ծածկանուէրով յօդուածներ ունի, ամէնքն ալ Սաղիմական խնդիրներու վերաբերմամբ: Ունի նաև Յաւերգի Հայրենեաց բանաստեղծական հատորիկ մը Հայոցի ծածկանուէրով. (տպ. Գահիրէ, 1902):

ՂԵԻՈՆԴ ՎՐԴ. ՂԱՐՍՊԱՂՅԻ. — Մբ. 1851ին. Զո. 1862ին,